



SAMBAND ÍSLENSKRA VIÐSKIPTABANKA

Isländska Bankföreningen · Bankers' Association of Iceland

Reykjavík, 4. desember 1996

Alþingi

Erindi nr. D 1211337

komudagur 6/12 1996

Fjármálaráðuneytið,
Amarhvoli v. Lindargötu,
150 Reykjavík

Efni: Framkvæmd fjármagnstekjuskatts.

Bréf þetta er ritað f.h. Sambands íslenskra viðskiptabanka, Sambands íslenskra sparisjóða og Samtaka íslenskra verðbréfafyrirtækja.

Samband íslenskra viðskiptabanka f.h. bankakerfisins og Samband íslenskra verðbréfafyrirtækja vöktu athygli yðar og Embættis ríkisskattstjóra (RSK) 23. júlí og 7. ágúst 1996 á fjölmörgum álitafnum í tengslum við framkvæmd fjármagnstekjuskatts. Þessi álitafni voru þess eðlis að óráðlegt var talið af bankakerfinu og verðbréfafyrirtækjum að hefja breytingar á tölvukerfum þessara aðila fyrr en þau hefðu verið til lykta leidd. Jafnframt var bent á að skammur tími (um fimm mánuðir) væri til stefnu þar til staðgreiðsla skattsins ætti að hefjast og að breytingar á forritum og prófun þeirra tæki drjúgan tíma. Því var óskað skjótra viðbragða yðar og RSK. Það var hins vegar ekki fyrr en tæplega tveimur mánuðum síðar, eða 18. september 1996, sem fulltrúar bankakerfisins og verðbréfafyrirtækja voru boðaðir á fund RSK til að fara yfir álitafnin. Síðar var ákveðið að fulltrúar RSK, bankakerfisins og verðbréfafyrirtækja hittust reglulega til að fara yfir álitafnin og hugsanlegar lausnir á þeim. Þessi hópur hittist í fyrsta sinn 15. október 1996. Þá voru tveir og hálfur mánuður þar til staðgreiðslan átti að koma til framkvæmda.

Þótt vinnunni hafi vissulega miðað áleiðis frá 15. október og fjölmörg atriði í tengslum við framkvæmd fjármagnstekjuskatts hafi skýrst hafa drög að leiðbeiningum RSK um skattinn enn ekki verið sýnd fulltrúum bankakerfisins og verðbréfafyrirtækja. Þá er í tveimur frumvörpum sem fjármálaráðherra hefur lagt fram á Alþingi gert ráð fyrir tilteknum breytingum á lagaákvæðum um fjármagnstekjuskattinn. Og í gær var útbýtt á Alþingi breytingartillögum meiri hluta efnahags- og viðskiptanefndar við



Þessi frumvörp. Í þeim kemur m.a. fram að horfið verði frá því fyrirkomulagi á staðgreiðslu fjármagnstekjuskatts af vöxtum og verðbótum á innlánsreikningum sem fram að þeim tíma hafði verið rædd í vinnuhópnum og byrjað var að undirbúa hjá Reiknistofu bankanna. Þetta er ágætt dæmi um þá miklu óvissu sem bankakerfið og verðbréfafyrirtæki búa við og torveldar mjög allan undirbúning undir framkvæmd staðgreiðslunnar. Í raun er staðan sú að þegar innan við einn mánuður er þar til staðgreiðsla skattsins kemur til framkvæmda hefur lagaleg umgjörð hans ekki verið endanlega ákveðin og ekki er að fullu ljóst hvernig endanleg útfærsla á ýmsum framkvæmdaatriðum verður.

Sem skilaskyldir aðilar munu bankakerfið og verðbréfafyrirtæki reyna eftir fremsta megni að sjá til þess að innheimta fjármagnstekjuskatts geti hafist frá og með næstkomandi áramótum. Í ljósi þess dráttar sem varð á því að skattfirvöld brygðust við ábendingum bankakerfisins og verðbréfafyrirtækjum um ýmis álitamál tengd þessum skatti og þeirrar óvissu sem enn ríkir um endanlega útfærslu hans verður hins vegar æ erfiðara með hverjum deginum sem líður fyrir þessa aðila að uppfylla þessa skyldu sína. Þá er ljóst að sá tími sem gefst til að breyta forritum og prófa þau er skemmri en forsvaranlegt má telja og jafnvel vafamál að það takist að öllu leyti fyrir áramót. Því má telja næsta víst að hnökrar verði á framkvæmdinni í upphafi.

Virðingarfyllst,

Finnur Sveinbjörnsson,
framkvæmdastjóri